

moso-spicata. Flores lutei. Differt à Soncho et à Picridio achæniis apice attenuato-rostratis, à Microrhyncho achæniis non angulatis, à Phænopo numero florum.

1. B. INTYBACEUS, caule tereti lævi apice laxè paniculato, foliis runcinatis dentato-ciliatis obtusis amplexicaulibus sagittatis, radicalibus obovatis, capitulis secus ramos remotis solitariis pedicellatis cylindraceis. (1) ad vias in ins. Sancti-Thomasii (Less.). *Lactuca intybacea* Jacq. ic. rar. 1. t. 162. coll. 1. p. 53. Less. in linnæâ 1831. p. 721. *Phænixopus intybaceus* Less. syn. 137. *Cicribita intybacea* Wallr. sched. p. 435. Invol. ex icon. videtur subsimplex. Flores sulphurei. Pappus in descr. Jacq. dicitur sessilis, ex Less. potiùs breviter stipitatus et achænia transversè rugulosa. Capitula 14-flora.
2. B. CARIBÆUS, glaber, caule erecto nudo parcè ramoso, foliis radicalibus subsessilibus basi attenuatis oblongis acuminatis runcinatis ciliato-serratis, capitulis secus ramos remotè spicato-racemosis geminis, pedicellis squamellosis. — in Guadalupâ legit cl. Bertero! et in Porto-Ricco cl. Wydler. *Sonchus taraxacifolius* è Guadalupâ ortus Spreng.! syst. 3. p. 649. excl. syn. *Achænia* breviter rostrata submuricata. Species B. intybaceo affinis. (v. s.)
3. B. GORÆENSIS, glaber subglaucescens, caule erecto nudiusculo apice-ramoso, foliis runcinatis ciliato-spinulosis, capitulis secus ramos paucis racemoso-spicatis, pedicellis brevibus squamosis. (1) in insulâ Afric. occid. Gorée (Lam.), in Senegambiæ regione Walo locis inundatis ad fl. Senegal (Perr.). *Sonchus Goræensis* Lam. dict. 3. p. 367. Willd. sp. 3. p. 1514. *Sonchus ciliatus* Perr.! in litt. *Achænia muriculata* breviter rostrata. (v. s.)
4. B. OBTUSUS (DC. in Deless. ic. sel. 4. t. 96), glaber glaucus, caulibus pluribus erectis dichotomis subnudis, foliis radicalibus oblongis obtusis ciliato-spinellosis obtusè runcinatis, caulinis paucis acutiùs lobulatis, capitulis spicato-racemosis. (2) p in Indiâ orient. ad Sahedgunj legit cl. Hamilton. *Prenanthes obtusa* Ham.! herb. Wall.! cat. comp. n. 186. Folia rad. basi attenuata non verè petiolata. *Achænia læviuscula* brevissimè rostrata, ex statu immaturo iudicata. (v. s. comm. ab hon. cur. merc. angl. Ind. or.)
5. B. SONCHIFOLIUS, glaber, caule erecto basi folioso apice nudo parcè ramoso, foliis membranaceis amplexicaulibus obovatis sinuato-subruncinatis margine setoso-ciliatis, capitulis secus ramos remotè spicato-racemosis, pedicellis brevissimis subsquamosis. (1) in Indiâ peninsulâ frequens (Wight!). *Cacalia sonchifolia* Wall.! cat. n. 3144. var. D. *Lactuca remotiflora* DC. in Wight contrib. p. 26. *Achænia oblonga* subcompressa transversè muriculata in rostrum breve attenuata. Pappus albus mollis. (v. s.)
6. B. TARAXACOIDES, glaber, caule erecto striato apice paniculato, foliis infer..., super. hastato-amplexicaulibus acuminatissimis grossè et acutè inciso-serratis, capitulis geminis ternisve breviter pedicellatis secus ramos remotè spicato-racemosis, bracteis bracteolisque parvis subscaevosis. — in Indiâ orientali legit cl. Russel. *Prenanthes taraxacoides* Wall. cat. comp. n. 389. Caulis bas. crassus fistulosus. *Achænia oblonga* in rostrum breve attenuata muriculata. Pappus albus mollissimus. (v. s. in herb. cœt. merc. angl. Ind. or.)

DCCCXXX. CHORISIS. — *Chorisma* Don in linnæâ 1830. litt. p. 141. non Lindl. — *Prenanthis* sp. Linn.

Capit. 10-12-florum. Invol. 8-10-phyllum basi calyculatum, squamis scariosis. Recept. nudum. *Achænia* subfusiformia compressa sulcata glabra apice attenuata, disco epigyno dilatato. Pappus mollis fugax triserialis. — Herba boreali-Asiatica repens glabra. Folia radicalia petiolata tripartita, lobis lateralibus bi-, medio trilobulato, caulina pauca lanceolata dentata. Capitula 1-3 ad apicem caulis. Flores cœrulei. — *Chorisis* idem sonat ac *Chorisma*. — Genus mihi caracteribus subdubium sed ex habitu distinctissimum.